

ՏԵՂԵԿԱՏՎԱԿԱՆ ԱՄՓՈՓԱԳԻՐ

ԱՎԱՆԴԱՏԵՄԱԿ «ԿԱՊԻՏԱԼ +»

Ավանդի հիմնական պայմանները

Ավանդատնաակի գործողության ժամկետն է		31.12.17 – 31.01.18 թվերաշաղկ		
Ավանդի արժույթը	ՀՀ դրամ	ԱՄՆ դոլար	Եվրո	ՌԴ ռուբլի
Ավանդի ներդրման ժամկետը	Տարեկան տոկոսադրույք			
31 - 60 օր	4%	1.7%	1%	2%
61 - 90 օր	5%	2.2%	1.2%	2%
91-180 օր	7.6%	2.5%	1.2%	3%
181 - 270 օր	8.5%	3.0%	1.6%	6%
271 - 365 օր	9.0%	3.9%	2.5%	7.7%
Ավանդի ներդրման նվազագույն գումարը	30.000 ՀՀ դրամ	100 ԱՄՆ դոլար	100 Եվրո	3.000 ՌԴ ռուբլի
Ավանդի ներդրման առավելագույն գումարը	100.000.000 ՀՀ դրամ	200.000 ԱՄՆ դոլար	200.000 Եվրո	12.000.000 ՌԴ ռուբլի
Ավանդի տեսակը	Ժամկետային ավանդ՝ նախատեսված ռեզիդենտ և ոչ ռեզիդենտ ֆիզիկական անձանց համար:			

Տոկոսների վճարման պայմանները իրականացվում են ժամկետի վերջում ավանդատուի բանկային հաշվին կամ քարտային հաշվին:

Ավանդի հիմնական գումարի համալրում նախատեսված չէ, սակայն հնարավոր է նաև տոկոսագումարների կապիտալիզացիա մայր գումարին:

Բոլոր ավանդատուներին տրամադրվում է նվեր՝ Visa Electron քարտ, ավանդի գումարի մինչև 90%-ի չափով վարկային գծի հնարավորությամբ:

Վարկային գծի պայմաններին կարող եք ծանոթանալ [այստեղ](#):

Լրացուցիչ տեղեկատվություն

Սակագներ և տուժանքներ

1. Ժամկետային ավանդի հաշվի սպասարկումն իրականացվում է բանկային հաշիվների միջոցով: Եթե հաճախորդը «Յունիբանկ» ԲԲԸ-ում չունի բանկային հաշիվներ, ապա դրամային ժամկետային ավանդ ներդնող ավանդատուի համար Բանկը բացում է բանկային հաշիվ ՀՀ դրամով, իսկ արտարժույթով ժամկետային ավանդ ներդնելու դեպքում բացի արտարժույթային բանկային հաշիվից, բացվում է նաև ՀՀ դրամով բանկային հաշիվ:

2. Ռեզիդենտ և ոչ ռեզիդենտ ժամկետային ավանդատու ֆիզիկական անձ հաճախորդների հաշիվների համար յուրաքանչյուր հաշվի տարեկան սպասարկման վճարը կազմում է համապատասխանաբար 1000 և 5000 ՀՀ դրամ: Ավանդային հաշվի քաղվածքների և դրանց կրկնօրինակների տրամադրումն առանց ժամկետի սահմանափակման իրականացվում է անվճար: Բանկն իրավասու է միակողմանիորեն փակելու հաճախորդի բանկային հաշվեհամարը, եթե հաճախորդը չի ապահովել Բանկի սակագներով սահմանված սպասարկման վճարները, չնվազող մնացորդը և/կամ 1 տարուց ավել գործարքների չի իրականացրել:

3. Ավանդատուի պահանջով ավանդային պայմանագրի վաղաժամկետ խզման դեպքում.
 ա/ ավանդի գումարից գանձվում են արդեն իսկ վճարված տոկոսագումարները, եթե ժամկետային ավանդի պայմանագրով սահմանված է տոկոսների ամենամսյա վճարում կամ տոկոսների կապիտալացում
 բ/ չի վճարվում ավանդի գումարի նկատմամբ հաշվեգրված տոկոսագումարը, եթե ժամկետային ավանդի պայմանագրով սահմանված է տոկոսների վճարում ժամկետի վերջում:

4. Բանկային ավանդի պայմանագրի գործողության ժամկետը երկարաձգվում է ավանդի պայմանագրով սահմանված դեպքերում և կարգով: Եթե ավանդատուն ավանդի ժամկետի ավարտից հետո չի պահանջում վճարել ավանդի գումարը, ապա ըստ պայմանագրում կատարված նշումի՝ կամ պայմանագրի գործողության ժամկետը երկարաձգվում է պայմանագրով սահմանված պայմաններով և երկարաձգման պահին բանկում գործող տոկոսադրույթով, կամ ավանդի գումարը փոխանցվում է ավանդատուի բանկային հաշվին, որի նկատմամբ կիրառվում են բանկային հաշվի համար նախատեսված պայմանները: Ռեզիդենտ և ոչ ռեզիդենտ ֆիզիկական անձանց արտարժույթով բանկային հաշիվների մնացորդների նկատմամբ հաշվարկվում է 0.01%, իսկ ՀՀ դրամով բանկային հաշիվների մնացորդների նկատմամբ՝ 0.1% տարեկան դրույթով՝ բանկում ներդրված փաստացի ժամանակահատվածի համար: Բանկն իրավունք ունի փոփոխել բանկային հաշիվների մնացորդների դիմաց վճարվող տոկոսների չափը՝ «Յունիբանկ» ԲԲԸ Խորհրդի կողմից հաստատված դրույթների և սակագների համաձայն, եթե այլ բան նախատեսված չէ բանկային հաշիվների սպասարկման պայմանագրով:

5. Ավանդատուի հաշվին Ավանդատուի անունով կարող են մուտքագրվել նաև երրորդ անձանցից ստացված դրամական միջոցներ՝ նրա ավանդի հաշվի մասին անհրաժեշտ տվյալների նշումով:

6. Ավանդի գործողության ընթացքում Բանկի կողմից Բանկային ավանդի պայմանագրով սահմանված տոկոսադրույքը ենթակա չէ միակողմանիորեն նվազեցման:

7. Ավանդային հաշվում առկա միջոցների նկատմամբ տոկոսագումարները հաշվարկվում են Անվանական տոկոսադրույքի հիման վրա:

8. **Տարեկան տոկոսային եկամտաբերությունը ցույց է տալիս, այն տոկոսը, որն ավանդատուն կստանա 1000 դրամ ավանդի դիմաց 365-օրյա ժամանակահատվածի համար տարեկան պարզ տոկոսադրույքի կիրառման և տոկոսների կապիտալացման ու վճարման հաճախականության հետևանքով:**

Տեղեկատվություն տոկոսադրույքների վերաբերյալ

1.Տարեկան պարզ տոկոսադրույք՝ տարեկան կտրվածքով ավանդային պայմանագրով սահմանված տոկոսադրույք, որի հիման վրա բանկը հաշվարկում է ավանդատուին վճարման ենթակա տոկոսագումարները:

Տվյալ տեսակի ավանդային պայմանագրով վճարվող տոկոսների հաշվարկման բանաձև՝
 $ԱԳ * S / 365 * Օր - 10\%$ (եկամտահարկ), որտեղ՝

ԱԳ - ներդրված ավանդի գումար
S – տարեկան պարզ տոկոսադրույք
Օր – ավանդի ներդրման օրերի քանակ՝ հաշվի առնելով ՀՀ Քաղաքացիական օրենսգրքի հ. 907 կետ 1, համաձայն որի ավանդի գումարի նկատմամբ տոկոսագումար չի հաշվարկվում ավանդի ներդրման և վերադարձման օրերին:

Օրինակ 1

Ավանդի ներդրման օրերի քանակ- 365 օր
Ներդրված ավանդի գումար- 100 000 ՀՀ դրամ
Տարեկան պարզ տոկոսադրույք- 9%

$$100\ 000 * 9 / 100 / 365 * 365 - 10\% = 8\ 056 \text{ ՀՀ դրամ}$$

2. **Տարեկան տոկոսային եկամտաբերություն (APY)**՝ ցույց է տալիս, թե որքան կկազմի ավանդի տարեկան տոկոսային եկամտաբերությունը հաճախորդի կողմից ավանդի հետ կապված պարտադիր վճարներ կատարելու և ստացված տոկոսագումարները մայր գումարին ավելացնելու (կապիտալացման) արդյունքում:

$$A = \sum_{n=1}^N \frac{K_n}{(1+APY)^{Dn/365}}, \text{ որտեղ՝}$$

A -ավանդի սկզբնական գումար,
n- ավանդի դիմաց դրամական հոսքերի հերթական համար,
N- ավանդի դիմաց դրամական հոսքերի վերջին համարն է (ներառյալ նաև ավանդի ներդրման պահին դրամական հոսքը), որից հետո ավանդային պայմանագրի ժամկետն համարվում է ավարտված,
K_n - ավանդի ներդրման պահին և/կամ ավանդի գործողության ընթացքում ներդրված ավանդի և/կամ կապիտալացված տոկոսագումարների, առկայության դեպքում նաև պարտադիր վճարների հոսքեր:
D_n - այն թիվն է, որը ցույց է տալիս, թե քանի օր է անցել ավանդի ներդրման օրից մինչև ավանդի դիմաց կատարվող հերթական (n-րդ) դրամական հոսքերը ներառյալ: Այն դեպքում, երբ ավանդի ներդրման պահին է դրամական հոսքերը, D₁=0 :
APY- տարեկան տոկոսային եկամտաբերությունն է:

Օրինակ 2

Ենթադրենք առաջարկվում է ավանդատեսակ հետևյալ պայմաններով՝

- ա. Ավանդի չափ՝ 100 000 դրամ
 - բ. Ավանդի գործողության ժամկետ՝ 1 տարի (365 օր)
 - գ. Տարեկան պարզ տոկոսադրույք՝ 9%
 - դ. Տոկոսագումարների վճարումները՝ ավանդի գործողության ժամկետի վերջում
 - ե. Ավանդատուի կողմից ավանդի ստացման օրը կատարվող պարտադիր վճարներ՝
- Ավանդային հաշվի սպասարկման պարտադիր վճար՝ 1000 դրամ

Ավանդային պայմանագրի գործողության վերջում վճարվող տոկոսագումարը ստացվում է՝

$$100\ 000 * 0.09 = 9\ 000 \text{ դրամ}$$

n=1 , n=2
D₁=0 , D₂=365
K₁=-1000 , K₂=109 000

$$100\ 000 = \frac{-1000}{(1+APY)^{0/365}} + \frac{109\ 000}{(1+APY)^{365/365}}$$

$$101000 = \frac{109\ 000}{(1+APY)^{365/365}}, \text{ որտեղից } APY = 0.079 * 100\% = 7.9\%$$

3. Ավանդների տարեկան տոկոսային եկամտաբերության հնարավոր հաշվարկը տոկոսագումարինների վճարումների կանոնավոր հաճախականության դեպքում

$$APY = (1+r/n)^n - 1, \text{ որտեղ}$$

APY- տարեկան տոկոսային եկամտաբերությունն է

r-տարեկան պարզ տոկոսադրույքն է

n- մեկ տարվա ընթացքում տոկոսագումարների կապիտալացման հաճախականությունն է

Եթե տոկոսագումարների վճարման հաճախականությունը ամենամսյա է՝ $n = 12$, ապա

$$APY = (1+0.09/12)^{12} - 1,$$

$$APY = 0.094 * 100 = 9.4\%$$

Եթե տոկոսագումարների վճարման հաճախականությունը ժամկետի վերջում է՝ $n = 1$, ապա

$$APY = (1+0.09/1)^1 - 1,$$

$$APY = 0.09 * 100 = 9\%$$

Ավանդատուի իրավունքների պաշտպանության վերաբերյալ տեղեկատվություն

Հաշվի սպասարկումից կամ ավանդային պայմանագրից բխող վեճերն ու տարաձայնությունները լուծվում են փոխադարձ համաձայնությամբ: Համաձայնություն ձեռք չբերելու դեպքում ավանդատուի իրավունքներն ենթակա են պաշտպանության դատական կարգով, ինչպես նաև ֆինանսական համակարգի հաշտարարի միջոցով: Ավանդատուն կարող է իր իրավունքների պաշտպանությունն իրականացնել անձամբ կամ լիազոր ներկայացուցչի միջոցով:

Բանկն իրավունք չունի ավանդային պայմանագրի կնքումը պայմանավորել արքիտրաժային համաձայնության կնքմամբ:

Այլ տեղեկատվություն

1. Ավանդ ներդնելու համար Ֆիզիկական անձանցից պահանջվող անհրաժեշտ փաստաթղթերն են՝

- անձնագիր կամ անձը հաստատող փաստաթուղթ,
- հանրային ծառայությունների պետ. համարանիշ (սոցիալական քարտ) կամ դրանից հրաժարվելու մասին տեղեկանք:
- անհարժեշտության դեպքում նաև այլ փաստաթղթեր:

2. Ժամկետային ավանդի գումարի վրա տոկոսը հաշվեգրվում է ավանդը Բանկ մուտք լինելուն հաջորդ օրվանից մինչև այն ավանդատուին վերադարձնելու կամ Ավանդատուի ավանդային հաշվից այլ հիմքերով դուրս գրելու օրվան նախորդող օրը: Տոկոսների հաշվեգրումը իրականացվում է օրական: Արժույթային կարգավորման և արժույթային վերահսկողության մասին ՀՀ օրենքի 6-րդ հոդվածի 2-րդ կետի համաձայն՝ ֆինանսական գործառնությունների դիմաց վճարվող տոկոսագումարները իրականացվում են Հայաստանի Հանրապետության դրամով: Եթե ավանդը ներդրված է արտարժույթով, ապա տոկոսագումարները վճարվում են վճարման օրը ՀՀ կԲ կողմից սահմանված հաշվարկային փոխարժեքով:

3. Ֆիզիկական անձանց ավանդի գծով հաշվեգրված տոկոսագումարն ենթակա է հարկման եկամտահարկով՝ ՀՀ օրենսդրությանը համապատասխան, որի դրույքաչափն է 10%: Ավանդատուին վճարվում է արդեն իսկ հարկված տոկոսագումարը:

4. Եթե ավանդի մարման օրը համընկնում է տոն և/կամ հանգստյան օրվա հետ, ապա ավանդի մարման օր է համարվում դրան հաջորդող աշխատանքային օրը:

5. Բանկում ներդրված ավանդներն երաշխավորվում են ՀՀ օրենսդրությանը համապատասխան՝ Ֆիզիկական անձանց Ավանդների հատուցումն երաշխավորող հիմնադրամի կողմից: Ավանդների երաշխավորվող սահմանաչափերը հետևյալն են՝
ա) եթե ավանդատուն անվճարունակ բանկում ունի միայն դրամային բանկային ավանդ, ապա երաշխավորված ավանդի չափը տասը միլիոն հայկական դրամ է.

բ) եթե ավանդատուն անվճարունակ բանկում ունի միայն արտարժույթային բանկային ավանդ, ապա երաշխավորված ավանդի չափը հինգ միլիոն հայկական դրամ է.

գ) եթե ավանդատուն անվճարունակ բանկում ունի դրամային և արտարժույթային բանկային ավանդներ, և դրամային բանկային ավանդի գումարը հինգ միլիոն հայկական դրամից ավելի է, ապա երաշխավորվում է միայն դրամային ավանդը՝ մինչև տասը միլիոն հայկական դրամով.

դ) եթե ավանդատուն անվճարունակ բանկում ունի դրամային և արտարժույթային բանկային ավանդներ, և նրա դրամային բանկային ավանդի գումարը պակաս է հինգ միլիոն հայկական դրամից, ապա երաշխավորվում է դրամային բանկային ավանդն ամբողջությամբ և արտարժույթային բանկային ավանդը՝ հինգ միլիոն դրամի և հատուցված դրամային բանկային ավանդի տարբերության չափով:

6. Ձեզ հետաքրքրող լրացուցիչ այլ տեղեկատվություն կարող եք ստանալ՝ զանգահարելով թե՛ հեռախոսակապի կենտրոն՝ (+37410) 59 55 55 հեռախոսահամարով:

Թարմացված է՝ 08/01/18 15:27